

Tokom ljeta 2005. austrijski penjači iz Insbrucka uz assistenciju domaćih opremili su 15 sportskih smjeri na tri lokacije u Kotoru. Ono što je zajedničko za sve lokacije, jeste da su smjerovi većinom odlično opremljeni sa lijepljenim klinovima.

Iznad autobuske stanice

Nalazi se jasno vidljiv žuti amfiteatar. Ovo je mjesto sa najtežim smjerovima, ima ih 4 i nalaze se u lijevom krilu amfiteatra. Težine su od VI-VIII. Stijena je odličnog kvaliteta, smjerovi su dužine 15-20 m. Do stijene koja je lako vidljiva sa stanice dolazi se izrazitom vododerinom. lako stijena izgleda blizu, dobro ćete se oznojiti dok dodjete do nje.

Sv.Stasija

Lijep pristup, lijep ambijent i jos lakši smjerovi. Vrijedi ih obići, zalazak sunca i cijela Boka odozgo izgledaju mnogo lijepo. Naselje Sv. Stasija, na kraju Dobrote kod crkve Sv. Eustahija skrenuti ka brdu, a zatim lijevo pa pratiti put koji lagano zaokreće na desno vraćajući nas opet iznad tornja crkve. Na tom mjestu od glavnog puta koji prolazi kroz naselje odvaja se manji i uži asfaltni put, okomito naviše, pratiti ga do poslednjih kuća (oko 200m) od kojih krenuti na levo i naviše preko sipara ka izrazitim pločama (možete pitati ljude u kući). Ovdje ima 7 smjerova, pet grupisanih (težine oko II-III i visine od 10-20m) i još dva malo dalje lijevo (težine oko III-IV i visine 20-30+m).

Ljuta

Naselje koje se nalazi u nizu posle Sv. Stasija prema Perastu. Iza restorana Stari Mlini nalazi se most i prostrani parking. Treba krenuti uzbrdo lijevom stranom vododerine, pratiti bijeli sipar sa velikim oblucima, uzbrdo i nalijevo sve do "vrata" u stijeni kroz koja voda i dolazi iz viših djelova brda i od kojih počinje bijeli sipar. Od "vrata" smjerovi se nalaze desno, našli smo dva ocjene II-III visine oko 20m.